

Matšoao a Qhoku



SABATHA MANTSIBOEA

Bakeng sa Thuto ea Beke ena Bala:

Baheb. 11:8–12; Baro. 4:13, 18–21; Mattheu 6:24; Baheb. 9:14; 1 Johanne 5:2, 3; Luka 16:10–12.

Temana ea Khopolo:

“Ha ho le joalo, motho ka mong a ke a re tsebe hore re bahlanka ba Krete le liabi tsa liphiri tsa Molimo. Efela se batloang ho liabi, ke hore se seng le se seng se fumanoe e le se tšepelang” (1 Bakorinthe 4:1, 2).

Liqhoku li tsejoa ka letšoao la tsona kapa pontšo e ikhethang, hantle joalokaha barekisi ba tsejoa ka matšoao kapa mapetjo a sehlahisoa sa bona. Haele hantle, batho ba bangata ba tumme kaho iketsa ntho tse ka bapatsoang.

Letšoao kapa pontšo ea qhoku ea Mokreste, ke ho bonahatsa Krete lerato la Krete ka likamano tseo a nang le tsona le Eena. Ha re phela le ho etsa lintho tsa Krete, maphelo a rona a tla bonahatsa letšoao la rona. Letšoao la rona ke la Hae; seo re leng sona se nyallana le seo A leng sona (1 Bakor. 6:17).

Bekeng ena re shebana le limelo tsa qhoku tsa Molimo tse etsang lebitso la seo ba leng sona. Limelo tsena li re fa morolo oa ho sheba ho khutleng ha Krete le ho etsa mosebetsi oo re o fuoeng joaloka liqhoku tse tšepahalang tsa linnete tsa Hae. Semelo se seng le se seng se hlalosa botebo ba likamano tseo re ka bang le tsona le ea tllileng ho tla batla le ho pholosa ba lahlehlileng. Ha limelo tsena li ithutoa haholo, li tla thopothela haholo maphelong a rona. Semelo sa Molimo sa lerato, le mefuta eohle ea lona, se tla fetoha tšoao la rona le be le tšusumetso karolong e ’ngoe le e ’ngoe ea maphelo a rona, kajeno le ka ho sa feleng.

**Ithute Thuto ea beke ena ho lokisetsa Sabbatha sa la, 10 Hlakola.*

Botšepahi

“E fela se batloang ho Liabi, ke hoba se seng le se seng se fumanoe e le se tšepelang” (1 Bakor. 4:2). Ho loana le ho hlola “ntoa e molemo ea tumelo” (1 Timo. 6:12) ho bohlokoa bakeng sa qhoku e tšepahlang. “Botšepahi ke seo Molimo ke seo Molimo A leng sona ’me ke seo re tlamelang ho ba sona ka Eena H’a sebetsa ka ho rona. Ho tšepahala ke ho se thekesele ho seo re tsebang hore se nepahetse, haholo-holo hara lebatama la ntoa tsa semoea. Lintoa tsa semoea pakeng tsa se nepahetseng le se fosahetseng, botle le bobele, tsona li tlatla. Ke karolo ea ntoa ea tumelo. Qeto e tšoaang liqhoku maemong ohle ke khetho ea ho tšepahala. Haeba u rata leruo, etsa bonnete ba hore U tšepahalla Molimo le seo A se bolelang ka kotsi ea lerato la chelete. Haeba o myoretsoe setumo, lula u tšepahalla seo Lentsoe la Molimo se le buoang ka boikokobetso. Haeba u loana le menahano ea litakatso, lula u tšepahalla litšepiso tsa khalalelo. Haeba u batla matla, lula u tšepahala ho seo Molimo A se buang ka ho ba mosebeletsi oa bohle. Khetho ea ho tšepahala kapa ho se tšepahale hangata e etsoa ka sekoto sa motsotsoana, le ha litlamorao e ka bba tsa ka ho sa feleng.

Bala Baheberu 11:8–12, 17–19, le Baroma 4:13, 18–21. Ke sefe seo litemana tsee li re rutang sona ka ho tšepahala?

Ho Baheberu, “ho tšepahala” ho bolela ho tšepa. Kutu ea Lentsoe lona lena la Seheberu e re fa lentsoe “amen,” ’me le bolela “ho tiea” kapa “ho setlela.” Ho tšepahala ho bolela hore re lekiloe ra ba ra lekoea, empa ra sala re khomametse leano la Molimo. H’a itokisetsa ho ema ka pela ’musisi, Martin Luther oa Monchafatsi o ile a “Bala Lentsoe la Molimo, a shebisisa tseo A li ngotseng, eaba o sebeletsa ho mo arabela ka nepo. . . . O ile a atamela Mangolo a Halalelang . . . ’me ka pelo e sithabetseng a phahamisetsa lentsoe la hae le letona leholimong, a ikana hore o tla tšepahalla evangeli, le ho bolela tumelo ea Hae ka bolokolohi, lehaeba a ka tempa bopaki ba Hae ka mali a hae.”—J. H. Merle d’Aubigné, *History of the Reformation* (New York: The American Tract Society, 1846), vol. 2, book 7, leq. 260.

Bala Tsenolo 2:10. Mantsoe ana “U tiee ho isa lefung” a bolelang ho rona motsamaong oa rona oa letsatsi le letsatsi le Morena?

Ho Tšepahala

“Ha ho motho ea ka tsebang ho sebeletsa marena a mabeli: hobane kapa o tla hloea e mong, a rate e mong; kapa o tla khomarela e mong a nyelise e mong. Le ka sitoa ho sebeletsa Molimo le mamona.” (Mattheu 6:24). Ke sefe seo litemana tsee li re bolellang sona malebana le bohlokoa bo boholo-holo ba ho tšepahalla Molimo?

Ka ho tseba hore lebitso la Molimo le bolela “poulelo” (Exoda 34:14) ho tlameha hoba lekolulo le re tsitsinyetsang ho tšepahala. Ho tšepahalla Molimo O “boulelang” ke botšepahi ba lerato. Ntoeng ea tumelo, ho tšepahala ho thusa ho hlalosa seo re leng sona le ho re khothaletsa ho ho tsoela pele ka ntoa. Ho tšepahala ha rona ho bohlokoa ho Molimo (1 Marena 8:61). Ha se konteraka e lekang ho ela hloko pehelo e ’ngoe le e ’ngoe; ebile ha se lethathamo la melao. Empa, ke ho bonahatsa tumelo ea rona le boikitlaetso.

Bala 1 Likoronike 28:9. Ke sefe seo temana ee e re rutang sona malebana le bohlokoa ba botšepahi?

Leha hole joalo, moo ho nang le ho tšepahala, ho na le khonahalo ea ho tsoa tlase. Ho tšepahala, joaloka lerato, ho tlameha ho etsoa ka bolokolohi, ho seng joalo ha se ho tšepahala ha ’nete. Ntoeng, ka nako tse ling mabotho a kapele-pele a qobelleha ho tsoela-pele ka ntoa; hoseng joalo, liofisiri tsa bona li tla re ba bolaoe. Banna bana ba ka etsa mosebetsi oa bona, empa eseng hobane ba tšepahala. Hona ha se hona ho tšepahala hoo Molimo a batlang re be le hona.

Sheba Jobo. H’ a ka bona koluoa tse tlang ho timetsaa lelapa la hae, maruo, le bophelo, e sale pele. A ka be a ile lahla tšepo, lerato, le boikitlaetso, ho tšepahalla Molimo ha hae e bile khetho e sa thekeseleng ea boitšoarō. A na le ’nete a se na letsoalo la ho rorisa Molimo hara batho, o ile a bua mantsoe a tummeng “Leha a ntlhabile, ke ’ne ke motšepo” (Jobo 13:15). Ho tšepahala ha hae hara koluoa ke khubu ea ho tšepahala, ’me ho hlalosa qhoku e tšepahalang hantle-tle.

Ipotse: Ke tšepahalla Morena, ea nchoetseng hakae? Nka bonahatsa botšepahi boo betere joang?

Letsoalo le Khutsitseng

Ho na le ntho tse ngata tsa bohlokoa tseo re ka bang le tsona. Bophelo, lerato, metsoalle, lelapa le leholo—tsena tsohle ke lithohonolfatso. Empa mohlomong e ’ngoe ea bohlokoa-hlokoa ho feta tsena kaofela ke letsoalo le khutsitseng.

Bala Baheberu 10:19–22 le 1 Timothea 4:1, 2. Ho bolelang ho ba le “moea o mobe” le “matsoalo a chesitsoeng ka tšepe”?

Matsoalo a rona a sebetsa joaloka molisa ea kahare oa maphelo a rona a ka ntle. Letsoalo le hloka ho konopeletsoa boemong bo holimo bo hloekileng: molao oa Molimo. Molimo O ile A ngola molao oa Hae pelong ea Adama, empa sebe sa batla se o hlakola—eseng ho eena fela, empa le litloho-tloholoana tsa hae. Ho ile ha sala maqhetsoana a molao fela. “[Balichaba] ba bonahatsa hobane mosebetsi oa molao o ngoliloe lipelong tsa bona, ba ntse ba pakeloa ke letsoalo la bona” (Baro. 2:15). Jesu O atlehile moo Adama a hlolehileng teng hobane molao oa Molimo o n’o le “ka pelong ea [ea Hae]” (Lipes. 40:8).

Paulosi o re tharollo ea rona e le ’ngoe fela tsoalong le lebe ke efe? Sheba Baheb. 9:14.

“Tepo e ka setorong sa letsoalo e tlameha ho tlosoa. Lifestere tsa semoea li tlameha ho koalola lefatše li buloe phenyenye bakeng sa leholimo hore mahlaseli a letsatsi la ho loka a kene habonolo. . . . Kelello e tlameha ho bolokoa e hloekile e hlakile hore e khetholle botle ho bobē.”—Ellen G. White, *Mind, Character, and Personality*, vol. 1, leq. 327, 328. Ha molao oa Molimo O se o ngotsoe pelong ea molumeli (Baheb. 8:10), ’me molumeli a sebeletsa ho latela molao oo ka tumelo, letsoalo le khutsitseng lea latela.

Haeba u se u kile oa loana tlasa boima ba letsoalo le molato, u tseba hantle hore na ho ka ba ho be hakae, e kaba ntho’eo khoebethang molebe, e sa u fe khefu. Ke joang ho talima ho Jesu, le lefung la Hae sefapanong bakeng sa hau e sebe sa hau, ho thusang ho u lokolla thohakong ea letsoalo le molato?

Ho Mamela

Abele o ile a khumama aletareng ea hae ka boikokobetsoo, a nkile sehlabelo sa konyana joalokaha Molimo A ne A laetse. Ka ho le leng, Kaine, a khumama aletareng ka mabifi a nkile litholoana. Ka bobeli ba tlisitse lihlabelo, ke mohlanka a le mong ea neng a mametse taelo ea Molimo. konyana e hlabiloeng e ile ea ananeloa, empa lihlahisoa tse tsoang mobung tsa hanoa. Bahlankana bana ka bobeli ba ne ba utloisisa se boleloang le se lokeloang ho etsoa mahlabelong, empa ke a le mong ea ileng a mamela seo Molimo A neng A se laetse (Genese 4:1–5). “Lefu la Abele e bile litla-mora tsa ho hana ho amohela leano la Molimo sekolong sa ho mamela, ho pholoso a mali a Jesu Kreste kaine o ile a hana ho tšolloa ha mali, a neng bontša mali a Kreste a tla tšolleloa lefatše.”—Ellen G. White Comments, *The SDA Bible Commentary*, vol. 6, leq. 1109.

Ho mamela ho qala ka kelellong. Ho kenyelletsa mothati oa ho amohela boikarabello ba ho phamolela litaelo tse tsoang molaoling ea holimo-limo ka kelellong. Ho mamela ho runya likamanong le motho ea nang le matla le boikemisetso ba ho mamela motho eo. Tabeng ea likamanano tsa rona le Molimo, re mamela ka ho ithaopa, ketso ea lerato e bopang boitsoaro ba rona. Ho mamela Molimo ho tlameha ho toba joalokaha a laela, eseng ho ea kamoore nahanang kapa re lakatsang hore ho be kateng. Pale ea Kaine ke mohlala o motle oa motho ea iketsetsang tsa hae ho e-na le ho etsa se hlokoang ke Molimo.

Bala 1 Johanne 5:2, 3 le Baroma 1:5; 10:16, 17. Ke sefe seo litemana tsee se li bolelang mabapi le se boleloang ka ho mamela ho Mokreste, ke mang ea pholositsoeng ka tumelo ntle le ketso tsa molao?

Ha re mamele hore re pholoso; re mamela hobane re pholositsoe. Ho mamela ke polelo e phelang ea boitsoaro ba tumelo. Samuele o ile a bolella Saule, “‘Hleka Jehova o khahloa ke licheso le mahlabelo, joalokaha A khahloa ke ho utluoa lentsoe la Jehova na? Bona, kutlo e fetisa sehlabelo, ’me mamelo e fetisa mafura a lipheleu’ ” (1 Sam. 15:22).

Samuele o ne a bolelang ka “ ‘kutlo e feta sehlabelo’ ”? Re le Bakreste, see se lokela ho re joetsa eng e ka re thusang hore re se oele evangeling ea leshano kapa mohau o chipi?

Ho ba Khabane

Bala Luka 16:10–12. E re rutang malebana le ho ba khabane? Ke hobaneng ha boleng boo bo le bohlokoa bakeng sa qhoku e tšepahalang?

Tšiea ena ea hoba khabane e bonahala hohle ka Bibeleng. Mohlala, paleng e 'ngoe Balefi ba bane ba baholo ba ne ba tšepetsoe ho lebela Sehalalelo sa Testamenteng ea Khale bosiu. Ba ne ba lokela ho lebela likamore tse tletseng matlotlo le ho boloka linotlolo hore ba bule mamati hoseng ho hong le ho hong (1 Likro. 9:26, 27). Ba ne ba fuoe mosebetsi ona hobane ba bonoa ba le khabane. Ho ba khabane ke semelo sa qhoku e ntle. Sena se bolela hore qhoku e khabane e utloisisa bohlokoa ba mosebetsi oa eona; e utloisisa hore Molimo O khabane, 'me e sebeletsa hoba joaloka Eena (Deutr. 32:4, 1 Marena 8:56).

Ho ba khabane ho bontša pokella ea limelo tse butsoitseng. Ke maemo a holimo-limoo a semelo le bokhoni boo motho a ka bo fihlelang mahlong a ba mo shebeileng. Ho bonahatsa semelo sa Molimo ho bolelala hore u tla etsa seo u itseng u tla se etsa, ho sa natsoe batho kapa maemo ao u qobellang ho etsa se fapaneng (2 Kings 12:15). Daniele o ne a nkoa a le khabane ke babusi mebuso e 'meli ea lefatše. Setumo sa hae se setle bophelo bohle ba hae e le tonakholo e ileng ea fana ka bohlahe le 'nete ho marena e sa tšabe leha a ne a thibelo ka matla ke balepi le bo ramaselamose. Bokhabane ke moqhaka oa boitšoaro bo botle; ho pepesa tšia tsa hau tsa boitšoaro li hloekile li se na sekoli. Boleng bona ha tle ka letsatsi ho qhoku, empa ke tholoana tsa nako e telele tsa ho tšepahala nthong tse nyenyane.

Ba bang ba eelloa bokhabane ba rona. B'a re tšepa le ho itšetleha ho rona hobane ba tseba hore ha re hoholoe ke ke maikutlo, lifeshene, kapa litlatse tsa ba bang ha bobebe. Ka hona, ho ba khabane ke empa e le ho bonahatsa mosebetsi oa semelo boikarabellong bo bong le bo bong boo re bo etsang lefatšeng, eleng moo re netefatsang teng hore re ba leholimo. “Re tlameha ho ba batho ba tšepahalang ba khabane ba 'muso oa Krete, hore ba hlalefetseng lefatše ba bone mohla oa 'nete oa maruo, botle, mohau, bonolo, le bonolo ba baahi ba 'muso oa Molimo.”—Ellen G. White, *Testimonies for the Church*, vol. 6, leq. 190.

Nahana ka motho eo u mo tsebang ea khabane. Ke sefe seo u ka ithutang sona mothong eo se ka u thusang hore le uena u be khabane?

Ho Ithuta Haholoanyane:

A le leng la matšoao a qhoku e ntle ke boikarabelo ba motho. “Esale e le leano la Satane ho ho tlosa likelello tsa batho ho Jesu ho li isa ho batho, le ho senya boikarabelo ba motho la mong. Leano lena la Satane le ile la folotsa h’a ne leka mora Molimo; empa a atleha haholo h’a e tla mothong ea oeleng. Bokreste bo ile ba silafala.”—Ellen G. White, *Early Writings*, leq. 213. Ha Krete e le khubu ea botho ba rona, re bulehile bakeng sa tataiso ea Hae. Ka hona, tumelo ea rona, botšepahi, ho tšepahala, bokhabane, letsoalo le khutsitseng, le boikarabelo ba motho ka mong li tla bonahala maphelong a rona. Ka hona, joaloka ka liqhoku, rea phethahala matsohong a Molimo. (Lipes. 139:23, 24).

Boikarabelo ba motho ka mong ke motheo oa bohlokoa ka Bibeleng. Ha re sa le lefatšeng, Jesu O ne A ikarabella ho Ntate (Johanne 8:28). Re na le boikarabelo ba polelo e ’ngoe le e ’ngoe ea bosaoana (Mattheu 12:36). “ ‘E mong le e mong ea neiloeng haholo, ho tla batloa haholo ho eena’ ” (Luka 12:48). Leha ho le joalo, tšabo e kholo ea boikarabelo ba motho ka mong, ke tloaelo ea ho rolela boikarabelo ba rona mothong e mong. “Ha ho ke ho thopothele kelellong hore ha se thepa ea rona eo re e fuoeng ho etsa letsete. Haeba ho ne ho le joalo, re ka batla matla a boikhetlo; re ka rolela boikarabelo ba rona ho ba bang, ’me re sihe boqhoku ba rona ho bona. Empa sena se ka se etsahale, hobane Morena O entse e mong le e mong qhoku ea Hae.”—Ellen G. White, *Testimonies for the Church*, vol. 7, leq. 177.

Lipotso Tsa Ho Qoqoa:

1. Sheba matšoao ohle a qhoku ao re ithutileng ona bekeng ena: boikarabelo ba motho ka mong, bokhabane, ho mamela, botšepahi, tsoalo le khutsitseng, le ho tšepahala. A amana joang? Ke joang bofokoli ho le leng ho ka tlisang bofokoli ho a mang? Kapa ho tseparela le le leng ho ka tlisa ho tseparela a mang joang?
2. Tsepamisa maikutlo tabeng ea kamoo litšepiso tsa Bible li ka thusang ea loanang le letsoalo le molato. Ke tšepiso efe eo ba ka e kopang?
3. Hangata re sheba taba ea “botšepahi” ele ntho’e ntle ka boeona kapa e na le botle. Empa na kamehla ho joalo? Ke ka tsela life re ka tšepahallang motho kapa ntho’e seng ntle hohang? Ka hona, ke hobaneng, taba ea “botšepahi” e lokela ho lula e utloisisoa ho latela maemo a ikhethang ele ho bona hore na botšepahi bona bo botle kapa che?